

# CUNSIGLIU MUNICIPALALI DI I GHJOVANI D'AIACCIU



## RIGULAMENTU INTERNU

[www.ajaccio.fr](http://www.ajaccio.fr)

 Ville d'Ajaccio - Cità d'Aiacciu  Conseil Municipal des Jeunes d'Ajaccio



## Rigulamentu internu di u Cunsigliu Municipali di i Ghjovani d'Ajacciu

### PRIAMBULU

U Cunsigliu Municipali di i Ghjovani ghjova à cuntrastà, rifletta è travaglià à prò di a pratica citatina di i ghjovani ajaccini. U scopu hè di cuntribuì è d'arricchì i pulitichi publichi di a Cità ver di a ghjuventù.

U scopu hè di piglià in contu i pinseri di a ghjuventù ajaccina è fà ch'ella fussi in capacità di fà prupusizioni in u prucedu di i decisioni di a Municipalità.

U Cunsigliu Municipali di i Ghjovani d'Ajacciu interdicia di piglià pusizioni pulitichi, sindacali, rilighjosi o cumunutaristi. Si devi di rispittà u parè di tuttu ognunu è assicurà un ambu di tulirezza è di rispettu in u so quattru sputicu. A so primura hè di mantena un versu for di i partiti in i so cuntrasti.



## **I- SCOPI DI U CUNSIGLIU MUNICIPALI DI I GHJOVANI D'AIACCIU**

**I-1** Sviluppà a sprissioni di i ghjovani, a leia trà i ginirazioni. I consiglieri sò pà riprinsintà tutti i ghjovani di a cità ; devini piglià in contu i brami è l'attesi di i so cumpagni è di riprinsintalli incù a municipalità.

**I-2** Parmetta à i ghjovani di participà à a vita di a cumuna denduli a pussibilità d'appuntà, prupona è rializà prughjetti pricisi.

**I-3** Cuntrastà incù i parsoni maiò. U CMG hè a leia trà a municipalità è i ghjovani di a cità. Hè di primura pà fà viaghjà l'infurmazioni.

**I-4** Amparà è fà a pratica di u civisimu è di a citadinanza. Scopra com'elli viaghjani i stituzioni municipali, dipartimentali, naziunali è auropeani. Ciò chì parmitterà à i ghjovani consiglieri di sceglia subito i boni intarlucutori pà fà avanzà i so prughjetti.

## **II- MISSIONI DI U CUNSIGLIU MUNICIPALI DI I GHJOVANI D'AIACCIU**

**II-1** U CMG trasmetti prupusizioni à u Cunsigliu Municipali pà l'acconciu di u tarritoriu o di a vita lucali d'Aiacciu.

**II-2** I ghjovani consiglieri favorizeghjani i scambii trà l'eletti è i ghjovani di a cità.

**II-3** U CMG hè sempri in leia incù a Dirizzioni di a Ghjuventù è a Vita di i Quartieri, t'hà rilazioni scelti incù l'eletti in carica di stu sittori, quellu di u Cunsigliu Municipali di i Ghjovani è u Merri.

**II-4** Le CMG hè un attrazzi di cunsulta, di studiu è di prupusizioni.

## **III- MUDALITÀ DI SCRIZZIONI**

U CMG d'Aiacciu hè fattu di 41 consiglieri è i so suppleenti chì ripresentani i ghjovani aiaccini da 11 sin'à 25 anni. Devi rispittà a parità, femini quant'è maschi. Ogni ghjovani devi stà in Aiacciu, essa iscrittu in u culleghju, liceu d'insignamentu generali o prufessiunali di a cità o essa studenti, in furmazioni, in ricerca d'impieggu, salariatu, capu d'impresa o attori di u mondu assuciativu in Aiacciu.

In u casu di un ghjovanu chì francarà i 25 anni durante u so mandatu, pudarà teni a so funzioni di consiglieri ma ùn si pudarà riprinsintà à i prossimi alizzioni.

U Cunsigliu Municipali di i Ghjovani sarà prisidutu da u Cunsiglieri Municipali delegatu à u CMG, cuntarà dunqua 42 membri.

**III- 1** I suppleenti poni rimpiazzà i titularii in casu di rinunziu.

**III-2** I ghjovani consiglieri sò eletti pà dui anni. Quand'elli sò compii, rifemu l'alizzioni.

**III-3** Suspensionsi o radiazioni : in casu di mancanza custata è dopu ad avè intesu l'interissatu, u CMG pò prununzià a suspensionsi o a radiazioni d'un membru. Sarà cacciatu da a lista di i consiglieri di u CMG, ogni membru avendu trè assenzi incù pochi scusi. Dui assenzi in corsu di mandatu senza scusa farà l'ugettu d'una lettara di rappellu.

**III-4** Demissioni o incapacità à fà u so mandatu : in casu d'abbandonu o di situazioni eccezzionali chì rendi impussibili l'eserciziu di u mandatu, u ghjovanu consigliere, dopu essa statu intesu da u Cunsigliu, li tuccarà à fà a so dumanda di demissioni par iscrittu à a Merria. Si pudarà tandu nummà un suppleenti à u postu chì manca.

#### **IV- FUNZIONAMENTU DI U CUNSIGLIU MUNICIPALI DI I GHJOVANI**

**IV-1** Aiutu di l'eletti è di i dirizzioni municipali à u funziunamentu di u CMG :

L'eletti è i dirizzioni municipali, in particulari a Dirizzioni di a Ghjuventù è di a vita di i Quartieri, dani u so appoghju à i ghjovanu consiglieri par assicurà u funziunamentu di u CMG. À i membri di u CMG li tuccarà d'andà à ricircà l'avisu di a Municipalità è di i dirizzioni cuncirnati in l'appruntera di i so prughjetti.

**IV-2** Missa in piazza di i prughjetti :

- Si devi tena contu di i prupusizioni d'ogni ghjovanu aiaccinu è quelli di u CMG in a scelta di i prughjetti à studià.
- Investisciasì in a missa in piazza è u suvità di i prughjetti.
- Ricircà tutti l'infurmazioni chì poni ghjuvà à a rializzazioni di u prughjettu (inchiesta, partecipazioni à i riunioni). Infurmà i ghjovanu di a cità in quantu à i prughjetti. Purtà ogni prughjettu à a so fini.
- Sottumetta i prughjetti scritti à a Municipalità pà u so accunsentu.

**IV-3** Reguli di i seduti è di i cumissioni :

U Cunsigliu Municipali si faci sia in assemblea cumpletta sia in cumissioni.

##### **Assemblea cumpletta:**

1. U CMG si farà 2 à 3 volti à l'annu à u cumplettu in sala di u Cunsigliu Municipali in Casa Cumuna d'Aiacciu : i 41 titularii s'ani da aduniscia pà prupona, vutà i prughjetti è fà un puntu annant' à i cumissioni in corsu.
2. L'assemblea hè publica.
3. I consiglieri sarani cunvucati una settimana nanzu à a seduta.
4. U CMG ùn pudarà delibarà ch'è s'ella c'hè a maghjuria di i membri prisenti pà a seduta (sia 21 membri).
5. Ogni consigliere hà u drittu di votu pà ogni quistioni iscritta à l'ordini di u ghjornu.
6. Un membru ùn pò avè ch'è un puteri solu.
7. U votu par prapura ùn sarà validatu ch'è si l'elettu rifarenti n'hè infurmatu.
8. I voti si farani à mani pisata. Eppuri, à a dumanda di un terzu di i membri, u votu si pudarà fà à bigliettinu sicretu.
9. I prughjetti vutati in assemblea cumpletta sò dopu pruposti à i Cumissioni Municipali, à u Scagnu Municipali è infini in Cunsigliu Municipali chì ni farà a deliberazioni.
10. I decisionii di u CMG ùn sarani validati ch'è s'elli ani la maghjuria assoluta di i voti sprimati. Un votu à biglietti sarrati sarà urganizatu in casu d'igualità.

### **Funzioni è vita di i cumissioni :**

Tutti i membri di i cumissioni sò libari di sprimassi : l'ascoltu è u rispettu sò di primura pà u bon funziunamentu di i cumissioni.

À ogni delegazioni ch'è intaressani i cunsiglieri, cumissioni sarani vutati (asempii : ambienti, sulidarità, cultura, sportu, numericu, ecc...) è presiduti da aghjunti è suppleenti numati da u Cunsiglieri deligatu à u Cunsigliu Municipali di i Ghjovani.

1. I cunsiglieri sò cunvucati una settimana nanzu à a seduta.
2. I cumissioni ùn sò micca publichi.
3. I seduti è i cumissioni si facini in Casa Cumuna, una o dui volti u mesi, s'ellu c'hè bisognu, vistu i sughjetti trattati è di l'avanzamentu di i cartulari, à u più tardi una settimana nanzu à a seduta cumpletta.
4. Ogni presidenti o u so suppleenti farà u contu resu di a so cumissioni pà l'assemblea cumpletta.

### **Quistioni à bocca :**

Quistioni ch'ùn sò micca iscritti à l'ordini di u ghjornu poni essa dumandati pà i seduti ; a presidenza devi essa infurmata à u minimu 2 ghjorni à l'avanzu di manera à pudè appruntà a risposta capu nanzu.

### **Votu :**

I decisioni sò, fora di certi casi, sottumissi à u votu à mani pisata di i membri di u CMG, è pigliati à a maghjuria assoluta. In casu d'igualità, un votu à bigliettinu sicretu sarà urganizatu. Un ghjovanu cunsiglieri pò dà una pracula par iscrittu à unu di i so cullegghi. Un membru ùn pò micca avè più d'una pracula. U quorum hè di 21 cunsiglieri prisenti. S'è u quorum ùn hè micca fattu, una siconda cunvucazioni sarà mandata à i cunsiglieri è u CMG pudarà delibà quali ch'elli fussini i prisenti.

I prughjetti presi pà u CMG sò prisintati à a municipalità par u so accordu.

### **Reguli cumuni à i seduti cumpletti è à i cumissioni :**

1. In casu d'impicciu ci voli à privena 48 ori nanzu.
2. Ghjunghja à l'ora à i riunioni è ùn parta micca nanzu à a fini senza dilla nanzu.
3. Piglià a parolla par di u so parè. In seduta cumpletta, ci voli à pisà a mani pà piglià a parolla dopu avè avutu l'auturizzazioni di u Presidenti di seduta.
4. Essa rispittuosi di l'intarlucutori è stà crianzatu ancu s'è ùn semu micca d'accusentu, ùn avè micca pruposti inghjurososi. Ùn avè micca ghjudicamentu di valori.
5. Parsoni qualificati poni essa invitati à i riunioni cumpletti o à i gruppi di travagliu pà purtà u so aiutu à a capiscitura d'un cartulari.

**Un volta à l'annu, un rappurtori di u CMG farà un resu contu di u travagliu fattu davanti à u Cunsigliu Municipali.**

## **V- PUBBLICITÀ DI I CONTI RESI DI I SEDUTI**

U contu resu di a seduta hè mandatu à tutti i membri di u CMG è à ogni parsonna cuncirnata.

## **VI- MUDIFICAZIONI DI U RIGULAMENTU INTERNU**

U presenti regulamentu internu pò essa mudificatu par deliberazioni di u Cunsigliu Municipali di i Ghjovani d'Aiacciu.

## **VII- CUNDIZIONI PARTICULARI**

Una cumissioni di regulazioni pò essa criata è intarvena pà guardà u bon sviluppu di u Cunsigliu Municipali di i Ghjovani. I membri di sta cumissioni sarani numati da u Sgiò Merri, da u so riprisintenti o da u Cunsiglieri Delegatu à u Cunsigliu Municipali di i Ghjovani.